توهن بري تاهو چارا حال المسيح دالم كتاب٢ هق تورون بلوم فد المسيح لاهير لاكي

2 توهن بري تاهو دولو چارا حالقربان۲ هق تنجوق کا المسیح

دالم تورات اد رویت اتوران ۱ او کام یهودی دغن هالوسی، تافی اتوران ۱ ایت کیت تا فاکی ده ماس لانی سبب دی جادی سروف چونتوه ساج، هق تنجوق بری تاهو چارا حال فرکارا ۱ هق سجاتی هق توهن دوق چاد څنق بری سمفرن دالم انجیل.

تافي، دالم سموا اتوران ایت اد ساتو فرکارا هق مستحق سوغکوه این یا بیت توهن سوروه اور ۲۰ بردوسا کات، کالو دی نق بولیه لفس درفد حکومن دان بولیه ماسوق مفهادف توهن یغ مهاسوچی، اور ۲۰ ایت کنا بوات قربان انتوق نق هافوس دوسا دی دولو، توهن سوروه بوات بالس ایت، توجوان توهن، دی برکهندق نق بری جورو سلامت هق دی چاغ ایت، جادی قربان کران دوسا ما نسی.

دالم انجیل اد رویت دغن چرف کات عیسی المسیح له جادی قربان هق سجاتی هق بولیه هافوس بری هابیس سموا کواس ۲ ابلیس۰

عیسی المسیح له هق جادي قربان کران دوسا مائنسی

1. بچاله انجیل سورت یحیا 29:1 دباوه این.

يحيا (نبي يحيا) تيڤوق عيسى برجالن ماري كا تمفت دي، فس يحيا كات: تيڤوقله اورڠ ايت! دياله جادي انق كيبس هق توهن بري نق جادي قربان انتوق هافوس دوسا ما نسي كيت!

2. بچاله انجیل، سورت 1 کورینتوس 7:5 دباوه این.

5 المسيح هق جادي انق كيبس انتوق جاموان فسخر هق كيت، كنا سمبليه ده.

- * بغكالي كيت تا بوليه فهم معنا دوا ايات دالم انجيل داتس ايت، ملينكن كيت فريقسا دولو فڤاجران دالم تورات چارا حال قربان ۲ هق توهن سوروه بوات فد ماس دولو.
- * سسوغكوهن، دالم تورات اد رويت چارا حال قربان دان اتوران ۲ سمبه كا توهن باپق فركارا، تافي دسيني كيت نق فريقسا فركارا ۲ هق مستحق سكالي ساج، انتوق نق بوليه فهم مقصود ايات ۲ دانجيل چارا حال عيسى المسيح ايت.

قربان۲ فد ماس تو۱۶م

3. بچاله تورات، سورت کجادین 21:3 دباوه این.

21 فد ماس ایت، توهن، رتبي اتس سموا ایت، امبیق کولیت بناتغ بوات فکاین بري کا ادم دغن بیني دي.

4. نق تاث سیکیت. چوب تولیس جوافن دتمفت کوسوغ دباوه این.

- 1. سبب اف توهن بري فكاين كا دوا اورغ ايت؟
- * جوافن: سبب دوا اورغ ایت برد...... ده، سابیت توله دی نق ماسوق مفهادف ت..... یغ مهاس..... تا لیه، ملینکن دی اد بارغ فرل..... دیری.
 - 2. فكاين ايت بوات دغن اف؟
 - * جوافن: بوات دغن بناتغ.
- 3. كالو كيت نق فاكي كوليت بناتغ، بناتغ ايت كنا جادي بالس مان؟
 - * جوافن:
- دالم تورات بري تاهو كات جق دمولا ۲ ايت ما نسي بياس قربان بناتڠ ۲ نق سمبه كا توهن، تافي، بيلا سمفي كا ماس نبي ابراهيم، توهن سوروه نبي ايت امبيق انق دي سنديري بوات قربان!

...........

توهن چادع نق بري كيبس كنتي اسحاق انتوق نق بوات قربان

4. بجاله تورات، سورت كجادين 22: 1-14 دباوه اين.

1-2 لفس فد سموا كجادين ايت، توهن نق سودي هاتي ابراهيم، كات كا دي: هي ابراهيم! ابراهيم جواب كات: يا توهن، توهن نق رويت اف كا همب؟ فس توهن كات: امبيقله انق مو هق سئورغ ايت، انق مو اسحاق هق مو كاسيه ايت، فس باوا دي كني كو كليواسن موريعه، سمفي كا ساتو بوكيت هق اكو نق تنجوق، فس قربان دي انتوق اكو، جادي قربان هق باكر بري هابيس،

4-3 ايسوق، فاكني٢، ابراهيم فون باڠون كني امبيق مكاين هيمر، فس فڠكيل همب دي دوا اورڠ دڠن اسحاق انق دي، نق سوروه كني سكالي دڠن دي. دي بله كايو دولو نق بوات باكر قربان دسيتو، لفس ايت دي فون فاكت كني توجو كا تمفت هق توهن رويت كا دي. 4 برجالن تيك هاري ده، بارو ابراهيم بوليه نمفق تمفت ايت، تافي دوق جا وه لاكني.

6-5 دي فون سوروه کا همب دوا اورغ ايت کات: مو دوق ديسني دغن هيمر دولو. اکو دغن انق اين نق کي سمبه کا توهن دسيتو، لفس ايت نق ماري سيني فول. 6 فس ابراهيم اڠکيت کايو افي سائني بري کا

انق دي اسحاق فيكول. دي سنديري دوق فكغ بكس بارا افي دغن فيسو سبيله. فس دي فون كي دوا برانق ايت.

نس اسحاق كات كا ايه دي: يا ايه كو! ابراهيم
 فون جواب: انق نق تاڻ اف؟ فس اسحاق كات:
 تيڠوقله، بارا افي اد، كايو هق نق بوات باكر فون اد،
 تافى مان كيبس نق بوات قربان؟

ابراهيم جواب كا دي: تا افله انق، توهن سنديري نق بري كيبس انتوق نق بوات قربان كا دي. بالس توله دي كدوا برجالن كني سكالي.

9-10 بيلا سمفي ده تمفت هق توهن تنجوق كا دي ايت، ابراهيم فون سوسون باتو ۲ جادي تمفت نق بوات قربان، فس امبيق كايو توكوغ اتس ايت. لفس ايت دي ايكت اسحاق اڠكيت لتق اتس كايو ايت فول، فس ابراهيم هولور تاغن امبيق فيسو نق سمبليه انق.

11-12 تافي، ملائيكة هق توهن ايت فغكيل كا ابراهيم دري لاغيت كات: ابراهيم! ابراهيم! فس ابراهيم جواب كات: يا توهنكو، اف هق توهنكو نق رويت؟ ملائيكة كات: جاغن جاتوه تاغن بوات اف٢ كا انق مو، كران لاني اكو تاهو ده مو دوق طاعة كا توهن تاكوت كا دي سوغكوه. ولو مو سايغ كا انق مو هق سئورغ ايت سكالي فون، مو سره دي كا اكو جوك.

- 13 فس ابراهيم بغه تيغوق، نمفق كيبس جنتن دوق لكت تندوق دفوهون٢ دسيتو، دي فون كي امبيق كيبس ماري بوات قربان كنتي انق دي، يا يت قربان سچارا هق باكر هابيس انتوق توهن.
- الم نس ابراهيم لتق نام تمفت ايت، «يهوه برام»، معنان توهنله هق چادغ بري، فس سمفي كا لاني فون، اورغ ايفت كا فركتائن ايت كات: توهن چادغ نق بري داتس بوكيت هق دي.
- " باپق راتوس تاهون لفس فد نبي ابراهيم، كتورونن دي ملالوئي كوئ نبي اسحاق دان نبي يعقوب، (دي هق توهن لتق نام بارو اسرائيل ايت)، جادي بغسا بسر، تافي سموا فواق ايت سوسه فايه سوغكوه، سبب دي سموا جادي همب هق فرعون، راج نكري مصير، فد ماس ايت كتورونن نبي ابراهيم سموا ايت اورڠ فغكيل اورڠ اسرائيل اتوا بغسا اسرائيل.
- * لام٢ توهن سوروه نبي موسى ماسوق مڤهادف راج، مينتا بري لفس سموا اورڠ اسرائيل، تافي راج ايت تا سير، ولو فون توهن تورون بالا اتس نكري مصير اچف كالي ده، تافي فرعون دوق كرس هاتي لاكي، اخيرن، توهن تا صبر ده، دي تورون حكومن بسر اتس نكري مصير،

داره بیریغ هق کنا قربان ایت جادی فرلیندوغ بری سلامت درفد حکومن

5. بچاله تورات، سورت کلواران باب ۱۱: ۱-2، دان باب11: ۱-7، ۱۵-۱۵ دباوه این.

1:11 - 2 لفس ايت توهن كات كا موسى فول: اكو نق تورون بالا سا لاكي اتس فرعون دغن سموا رعيت دي. لفس ايت باروله دي نق لفس فواق مو بري توبيت كي. سسوڠكوهڻ، دي نق همبت فواق مو كي، تا سير بري ماري ده.

21: 1 - 4 بلوم فد اورغ اسرائيل تيڤكل نكري مصير لاكي، توهن فسن ده كا موسى دڠن هارون چارا حال اتوران اين كات: 3 مو رويتله كا سموا فواق اسرائيل كات، فد تمفت سفولوه بولن اين كنف تاهون، تيف كلوارك كنا فيليه بيريغ هق سمفي عمور سئيكور، انتوق اورغ هق دوق درومه دي. كالو ساتو كلوارك نمفق كات ماكن تا هابيس بيريغ سئيكور، دي كنا بركوڠسي دڠن سائين ٢ دكت رومه دي. دي. تافي دي كنا كيرا دولو براف اورغ بوليه ماكن هابيس سئيكور بيريغ ايت.

5 - 7 مو بوليه امبيق كمبيغ، بيريغ اتوا كيبس فون، تافي كنا فيليه هق جنتن هق سمفي عمور، فس هق تا اد چاچت تا اد چدرا، و کنا تاروه بیریغ ایت دولو، فس بیلا سمفی تمفت امفت بلس دالم بولن ایت، فواق اسرائیل سموا کنا سمبلیه بیریغ دی ماسیغ۲، و لفس ایت کنا امبیق داره سیکیت، بوبوه دفینتو رومه هق نق ماکن بیریغ ایت. داره ایت کنا بوه دکلیغغ فینتو بالیق این، دان اتس کنوغ فینتو کاتیق.

13-12 كران فد مالم اين جوك، توهن كات، اكو نق كي سرات تمفت دالم نكري مصير، نق جاتوه حكوم اتس سموا برهلا۲ هق اورغ مصير دوق هارف ايت، كران اكو نق امبيق پاوا سموا انق٢ سولوغ هق جنتن دنكري مصير، تا كيرا ما نسي، اتوا بناتغ فون، بالس توله اكو نق بري تاهو كات اكو اينيله رتبي اتس سموا! قل فس تكه اكو دوق تورون بالا اين اتس اورغ مصير، توهن كات، داره دفينتو ايت نق جادي تندا كات رومه ايت رومه هق فواق مو، افبيل اكو تيڤوق داره دفينتو، اكو نق لڠكه رومه ايت لڤسوغ تيڤوق داره دفينتو، اكو نق لڠكه رومه ايت لڤسوغ كي، تا ميور اورغ دالم ايت.

23-21 لفس فد ایت، موسی فقکیل کتوا۲ اورڠ اسرائیل سموا ماری کا تمفت دی، کات: لانی مو کنا امبیقله بیریڠ هق مو فیلیه ده ایت، فس سمبلیه دی بوات قربان فسخر انتوق کلوارک مو ماسیڠ۲۰ عاره بیریڠ ایت کنا تاروه دالم چاون، لفس ایت کنا امبیق داهن فوهون هوسوف ماری چلوف دالم

چاون، كي ليسيق سيكيت دكليڤڠ فينتو رومه دان اتس دي. لفس ايت، سموا اورڠ كنا دوق دالم رومه، تا ليه توبيت ده سمفي فاكي ايسوق، قلا كران فد مالم اين توهن نق لالو كي اتس نكري اين، انتوق نق امبيق پاوا اورڠ٢ مصير، تافي بيلا توهن تيڤوق اد داره دفينتو، دي نق لڤكه رومه ايت لڤسوڠ كي، تا بري ملك الموت امبيق پاوا اورڠ دالم رومه ايت.

وو فوكول دوا بلس تقه مالم، توهن ماري امبيق پاوا سموا انق سولوغ هق جنتن دنكري مصير، امبيق دانق سولوغ فرعون هق دوق اتس كريسي راج دي، سمفي كا انق ۱ اورغ هق دوق دالم كوق سكالي دغن انق سولوغ بناتغ هق اورغ مصير فون، سموا ايت كنا ماتي بلاك.

ود ماس ایت جوک، فرعون دغن سموا اورغ درومه دی ترکجوت جاک تغه مالم، اورغ۲ مصیر سرات تمفت فون ترکجوت جاک باغون بلاک تغه مالم ایت. دان سوارا اورغ دوق تریاق مناغیس نائیك سرات نکری ایت، کران کنف۲ رومه هق اورغ مصیر ایت اد اورغ ماتی.

32-31 مالم ایت جوک، فرعون فقکیل موسی دغن هارون ماری کا تمفت دی کات: مو کدوا کنا توبیت کی سلالو فد نکری اکو این سکالی دغن سموا اور ڠ

اسرائیل مو. کیله بوات کرج مو هق مو کات نق بوات انتوق رتبی اتس سموا ایت. عد امبیقله بناتغ مو سموا، سروف دغن هق مو مینتا دولو ایت، فس کیله!

- 6. نق تاث سیکیت. چوب تولیس جوافن دتمفت کوسوغ دباوه این.
- 1. سبب تو ادم جادي اور غبردوسا، مستیله دي کنا اد فرکارا هق بولیه فرلیندوغ دیري دي، باروله دي بولیه ماسوق دافن توهن. سیاف دي هق بري سیمفن فرکارا فرلیندوغن ایت انتوق دي ؟ (کجادین ۲۱:۵، موک 3)
 - * جوافن:
- 2. توهن سوروه نبي ابراهيم امبيق انق بوات قربان. تافي،
 اخيرث، اسحاق تا كنا ماتي. سبب اف دي تا كنا ماتي ؟
- 3. تنتوله توهن تا بركنن بري ما نسي مان ۲ امبيق انق بوات قربان. توجوان توهن دسيني بالس مان ۲ (كجادين 22: 1-2، موك 4)
- * جوافن: توهن نق س...... ه...... نبي ابراهيم ساج.
- 4. تافي، توهن اد توجوان هق مستحق سوغكوه سكارا لاكني، مقصود خبران توهن دتورات دسيني دالم سيكيت، تافي، فركارا ايت جادي سمفرن ده دالم انجيل، توجوان توهن هق مستحق دسيني ايت بالس مان؟ كيت نمفق كا دق؟ كجادين 22: 8 دان 14)

- * جوافن: توهن نق بري ما نسي تاهو كات توهنله هق چ...... ق........ هق بوليه ماتي ك...... كيت.
- 5. کیت تاهو کا دق؟ کلیواسن بوکیت موریعه ایت دوق دمان؟ کجادین 22: 2 دان 14، موکه 664)
 - * جوافن: د كليواسن
- 6. فد ماس نبي موسى ايت، توهن سوروه اورڠ٢ اسرائيل بوبوه داره بيريڠ اتوا كيبس دفينتو رومه، جادي تندا بري تاهو كات اورڠ درومه ايت لفس ده فد حكوم ماتي هق توهن نق جاتوه اتس اورڠ دنكري مصير، داره ايت تنجوق كات اد كيبس هق ماتي ده، كنتي اورڠ دالم رومه ايت. كيت نمفق كا دق؟ فركارا ايت تنجوق كا عيسى المسيح بالس مان ؟

* <u>جوافن</u>:

- " سكت اين فون، بڠكالي چرف ده. دالم تورات بري تاهو كات:

 1. فد ماس تو ادم، توهنله هق سيمفن فركارا هق بوليه جادي فرليندوغن ما نسي هق بردوسا انتوق نق بري اورغ ايت بوليه ماسوق مڠهادف توهن يڠ مهاسوچي.
- ٥٠ فد ماس نبي ابراهيم، توهنله هق چادڠ بري كيبس كنتي اسحاق، بري اسحاق ايت تا كنا ماتي.
- 3. فد ماس نبي موسى، اد جاموان فسخر هق مولا۲ سكالي، فد ماس تو، توهن بري لفس فد حكوم ماتي اورڠ درومه مان۲ هق بوبوه داره دفينتو رومه دي، جادي تندا كات اد سئيكور كيبس هق ماتي ده كنتي اورڠ دالم رومه ايت.

- کیت نمفق کات توجوان توهن دالم تورات دغن تیک فرکارا ایت چرف دان سمفرن ده دالم انجیل.
- 1. <u>عيسى المسيح له</u> هق جادي تمفت فرليندوغن انتوق ما نسي كيت هق بردوسا.
- 2. <u>عيسى المسيح له</u> هق جادي كيبس هق توهن چادڠ انتوق نق جادي قربان، ماتي كنتي كيت.
- 3. عيسى المسيح له هق جادي كيبس انتوق جاموان فسخر هق كيت. سبب عيسى ماتي ده، داره دي بوليه جادي تندا كات كيت هق هارف كا دي، لفس ده درفد حكومن ماتي.
- سسوڠكوهن، دالم تورات اد رويت باپق فركارا لاكي چارا حال اتوران هق اورغ يهودي ماس دولو ايت كنا بوات توروت، باروله توهن نق تريما دي. سموا ايت تنجوق كا عيسى المسيح. تو امام سنديري، هق كنا بوات كرج ۱ اوكام يهودي، دي فون جادي چونتوه هق تنجوق كا عيسى المسيح. دان اد لائين ۱ لاكي. كيت تا اد ماس نق فريقسا فركارا ١ ايت دسيني، تافي سياف ۲ هق نق باچ سنريري دالم انجيل سورت عبراني، نق برتمو باپق فركارا هق بري چرف دان سمفرن فركارا ۱ هق توهن بري تاهو دولو دالم تورات.